

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **KORPORATA ENERGJETIKE E KOSOVES sh.a ("KEK")**

Për Aktivitetin e Prokurimit Nr. i AP: : **KEK-21-5233-1-1-1.**

Sa i përket tenderit për : **Furnizim me pjesë ndërrimi për vinç hidraulik teleskopik Liebherr, KEK-21-5233-1-1-1.**

ANKESË

1. Identifikimi i ankuesit*

ORTU SH.P.K

(Shëno emrin e plotë të kompanisë suaj)

Rr. Radovan Zogovic nr. 107, 10000 Prishtinë

(Adresa)

Prishtinë, Kosovë

10000

(Vendi)

(Kodi postar)

038 748 339

(Numri Telefonit)

(Numri i Faks-it)

Labinot Krasniqi

(Emri i plotë i përfaqësuesit të kompanisë suaj)

info@ortu-ks.com

(Adresa elektronike)

06.05.2022

(Data e parashtrimit të ankesës)


(Nënshkrimi dhe vula)



*Ankues do të thotë një palë e interesuar për parashtrim të ankesës.

2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

Shoqëria e Avokatëve "Sejdiu & Qerkini" SHPK

(Emri i avokatit)

Lagja Veternik, Kompleksi Banesor EXDC3, Blloku 10, Kati 6, Nr. 18, 10000

Prishtinë, Republika e Kosovës

(Adresa e plotë)

048700002

(Numri i Telefonit)

(Numri i faks-it)

Blinera.osmani@sq-law.com

(Adresa elektronike)

06.05.2022

(Data e parashtrimt të ankesës)

(Nënshkrimi dhe vula)

**SEJDIU &
QERKINI**
SHOQËRIA E AVOKATËVE
T.S.R.

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar "Njoftimi për Kontratë" apo "Njoftimi për konkurs të projektimit" dhe, nëse aplikohet "Njoftimi për dhënie të Kontratës", "Njoftimi për Rezultatet e Konkursit të Projektimit" apo "Njoftimi për anulim të aktivitetit të prokurimit", nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

Data e përgatitjes së njoftimit: 16.08.2021;

IV.3.2) Afati i fundit për pranim të tenderëve / aplikacioneve: data 27.09.2021 koha 13:00:00 vendi <https://e-prokurimi.rks-gov.net>;

IV.3.6) Takimi për hapjen e tenderëve: data 27.09.2021 koha 13:00:00 vendi rr.sheshi Nene Tereza nr.36 ZEP-KEK, 10000 Prishtine

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☐

Jo ☒

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☐

Jo ☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Operatori Ekonomik brenda afatit ligjor ka dorëzuar Kërkesën për rishqyrtim të Njoftimit për Anulimin e Dhënies së Kontratës, duke kërkuar nga Autoriteti Kontraktues që të përmbush obligimet ligjore dhe kontraktuale, meqë Operatori Ekonomik tashmë kishte hyrë në obligime me palët e treta për realizimin e obligimeve të tij dhe dëmi financiar për vonesat e shkaktuara nga Autoriteti Kontraktues në realizimin e objektit të kontratës, tashmë veç i është shkaktuar Operatorit Ekonomik.

Gjithsesi, me datë 29 prill 2022 kemi pranuar njoftimin për refuzimin e Kërkesës për rishqyrtim duke u bazuar në arsyetimin se tenderi nuk është në pajtueshmëri me nenin 65, paragrafi 1 të LPP-së, duke mos dhënë arsyetim të plotë se cilat rrethana kanë bërë dosjen e tenderit të papranueshëm, përkundër faktit që dosja e tenderit ka kaluar të gjitha fazat dhe nuk është identifikuar asnjë shkelje.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Janë të përshkruara në detaje në ANKESË për VENDIMIN për Anulimin e Dhënies së Kontratës i datës 29.04.2022, me numër të prokurimit KEK-21-5233-1-1-1, e bashkangjitur në këtë formular.

*** Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Janë të përshkruara në detaje në ANKESË për VENDIMIN për Anulimin e Dhënies së Kontratës i datës 29.04.2022, me numër të prokurimit KEK-21-5233-1-1-1, e bashkangjitur në këtë formular.

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Janë të përshkruara në detaje në ANKESË për VENDIMIN për Anulimin e Dhënies së Kontratës i datës 29.04.2022, me numër të prokurimit KEK-21-5233-1-1-1, e bashkangjitur në këtë formular.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) një kopje të publikimit të "Njoftimit për Kontratë" apo "Njoftimit për Konkurs të Projektimit. **(Bashkangjitur)**
- b) një kopje të publikimit për "Njoftimin e Dhënies së Kontratës" apo "Njoftimin për Rezultatet e Konkursit të Projektimit" apo "Njoftimit për Anulim". **(Bashkangjitur)**
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.
- d) një kopje të procesverbalit të hapjes publike të tenderëve, nëse aplikohet, **(Bashkangjitur)**
- e) bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se, **(Bashkangjitur)**
- f) Dëshminë e pagesës së tarifës së ankimit në përputhje me nenin 118 të LPP-se, dhe **(Bashkangjitur)**
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë. **(Bashkangjitur)**

***Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.

PËR	ORGANI SHQYRTUES I PROKURIMIT ("OSHP")
CC	KORPORATA ENERGJETIKE E KOSOVES sh.a ("KEK")
NGA	ORTU SH.P.K., një shoqëri me përgjegjësi të kufizuar, me numër unik identifikues 810808545 me seli të zyrës së regjistruar në Rr. Radovan Zogovic nr. 107, 10000 Prishtinë, e përfaqësuar sipas autorizimit nga znj. Blinera Osmani, shoqëria e avokatëve "Sejdiu & Qerkini" SHPK, me seli në Lagja Veternik, Kompleksi Banesor EXDC3, Blloku 10, Kati 6, Nr. 18, 10000 Prishtinë, Republika e Kosovës.
DATA	06 maj 2022
LËNDA	ANKESË për VENDIMIN për Anulimin e Dhënies së Kontratës i datës 29.04.2022, me numër të prokurimit KEK-21-5233-1-1-1

Të nderuar,

Po iu drejtohem i përmes kësaj shkrese në cilësinë e përfaqësuesit të autorizuar të ORTU sh.p.k. (referuar këtu e tutje si "Operatori Ekonomik") në përputhje me autorizimin e datës 19.04.2022, i bashkangjitur në këtë shkresë.

Në përputhje të plotë me Nenin 109, paragrafi 2, të ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. ligjin Nr. 05/L-092, brenda afatit ligjor të përcaktuar, paraqesim këtë

ANKESË NË VENDIMIN PËR ANULIMIN E DHËNIES SË KONTRATËS

I. HYRJE

Me datë 19 prill 2022 kemi pranuar Njoftimin për Anulimin e Dhënies së Kontratës, i datës 19.04.2022, me numër të prokurimit KEK-21-5233-1-1-1. Përderisa me datë 21.08.2021 ishte dorëzuar Njoftimi për dhënie të Kontratës, me Titull dhe numër identifikues të aktivitetit të prokurimit: **Furnizim me pjesë ndërrimi për vinç hidraulik teleskopik Liebherr, KEK-21-5233-1-1-1.** Operatori Ekonomik kishte plotësuar të gjitha kërkesat e specifikuar në pikën 6.4 të Dosjes së Tenderit si dhe specifikat e tjera të kërkuara në po të njëjtin dokument. Rrjedhimisht, me datë 10.10.2021 Autoriteti Kontraktues ka publikuar Njoftimin për Vendimin për Dhënie të Kontratës me numër të prokurimit KEK-21-5233-1-1-1 për Furnizim

me pjesë ndërrimi për vinç hidraulik teleskopik Liebherr, tek Operatori Ekonomik, duke konfirmuar plotësimin e kriterëve për dhënie të kontratës. Sipas po të njëjtit Njoftim, Autoriteti Kontraktues ka caktuar datën 29.10.2021 për nënshkrimin e Kontratës me vlerë totale 319 264,21 euro. Tutje, në procesverbalin e hapjes së Tenderit, të dy zyrtarët e prokurimit nuk kanë evidentuar asnjë parregullsi që do mund të krijonte bazë për mos përmbushje të kriterëve nga ana e Operatorit Ekonomik të përcaktuara në procedurat e tenderimit.

Duke u bazuar në faktin që Autoriteti Kontraktues kishte konfirmuar që koha e liferimit ishte 120 ditë, Operatori Ekonomik në mënyrë që të ishte në përputhje me afatin e liferimit ka bërë menjëherë porosinë për pjesën e parë të furnizimit tek Furnitori në përputhje të plotë me dokumentin e Autoriteti Kontraktues të dorëzuar tek Operatori Ekonomik, Pjesa- II- Përshkrimi i Çmimeve, përkatësisht porosinë e pjesës së parë në vlerën totale prej 149,533.70 euro, ku në vlerën e njëjtë është bërë edhe garancioni bankar i lëshuar për furnitorin. Gjithsesi, Autoriteti Kontraktues, kishte bërë dy herë kërkesë për vazhdim të validitetit të ofertës, fillimisht deri me datën 20.12.2021 dhe pastaj me kërkesën e dytë ishte vazhduar deri me datë 21.03.2022, dhe përkundër faktit që në Njoftim për Dhënien e Kontratës data për nënshkrimin e kontratës ishte përcaktuar data 29.10.2021, si dhe komunikimet e palëve të datës 19 dhe 21 tetor 2021, ku është konfirmuar drafti final i kontratës, Autoriteti Kontraktues nuk ka përfunduar procesin formal të nënshkrimit të kontratës.

Operatori Ekonomik shumë herë ka kërkuar nga Autoriteti Kontraktues sqarime në lidhje me vonesat e shkaktuara në nënshkrimin formal të kontratës dhe ju ka njoftuar që tashmë kishte hyrë në obligime financiare me Furnitorin, sepse tashmë ishin përfunduar të gjitha procedurat administrative të parapara, përfshirë konfirmimi i kontratës nga të dyja palët si hapë përfundimtar, veprim ky i cili ka si pasojë obligime kontraktuale për të dyja palët. Përkundër këtij fakti, Autoriteti Kontraktues përfundimisht me datë 19.04.2022 ka publikuar Njoftimin për Anulimin e Dhënies së kontratës, me arsyetimin se nuk është në përputhje me nenin 65 të LPP.

Operatori Ekonomik brenda afatit ligjor ka dorëzuar Kërkesën për rishqyrtim të Njoftimit për Anulimin e Dhënies së Kontratës, duke kërkuar nga Autoriteti Kontraktues që të përmbush obligimet ligjore dhe kontraktuale, meqë Operatori Ekonomik tashmë kishte hyrë në obligime me palët e treta për realizimin e obligimeve të tij dhe dëmi financiar për vonesat e shkaktuara nga Autoriteti Kontraktues në realizimin e objektit të kontratës, tashmë veç i është shkaktuar Operatorit Ekonomik.

Gjithsesi, me datë 29 prill 2022 kemi pranuar njoftimin për refuzimin e Kërkesës për rishqyrtim duke u bazuar në arsyetimin se tenderi nuk është në pajtueshmëri me nenin 65, paragrafi 1 të LPP-së, duke mos dhënë arsyetim të plotë se cilat rrethana kanë bërë dosjen e tenderit të papranueshëm, përkundër faktit që dosja e tenderit ka kaluar të gjitha fazat dhe nuk është identifikuar asnjë shkelje.

Përkundër faktit që Autoriteti Kontraktues nuk ka dhënë sqarime në Njoftimin për Anulim, konsiderojmë që OSHP gjatë shqyrtimit të kësaj shkrese duhet të ketë parasysh faktin që Operatori Ekonomik dhe Autoriteti Kontraktues kanë qenë në marrëdhënie kontraktuale që nga vitit 2018 për furnizim me pjesë ndërrimi dhe servisimin e mekanizmit Liebherr (kontratë kornizë me validitet 3 vjeçar). Në kuadër të obligimeve kontraktuale që rrjedhin nga kjo kontratë, Operatori Ekonomik sipas kërkesës së Autoritet Kontraktues, ka kryer shërbimin përkatësisht identifikimin e defekteve në vinçin hidraulik teleskopik Liebherr. Rrjedhimisht, Autoriteti Kontraktues pas evaulimit të defekteve, për pajisjet të cilat kanë munguar dhe ka qenë e pamundur ndërrimi/zëvendësimi i tyre (dhe nuk kanë qenë të përfshira në kontratën e vitit 2018), ka vendosur që të publikoj tender të ri, në një proces krejtësisht ndaras nga marrëdhënia kontraktuale ekzistuese, procedure e re që natyrisht meqë është ndaras ka dhe numër të ri identifikues.

Autoriteti Kontraktues, përkundër faktit që vet ka kërkuar nga Operatori Ekonomik që t'i kryej obligimet e tij kontraktuale dhe të ofroj shërbimin sipas kushteve të kontratës së vitit 2018 e që kishte objekt tjetër (në procedurën tenderuese me numër të prokurimit KEK-21-5233-1-1-1- për Furnizim me pjesë ndërrimi për vinç hidraulik teleskopik Liebherr), pas finalizimit të të gjitha fazave tenderuese dhe njoftimin për dhënie të kontratës tek Operatori Ekonomik, pastaj konfirmimin e datës së liferimit dhe specifikave të tjera, përfundimisht në njoftimin për refuzimin e Kërkesës për rishqyrtim është bazuar në arsyetimin se tenderi nuk është në pajtueshmëri me nenin 65, paragrafi 1 të LPP-së. Pra, Autoritet Kontraktues gabimisht po ndërlidh dy procedura të ndryshme tenderuese, dhe duke anashkaluar faktin jetik të këtij procesi, që vet Autoriteti Kontraktues ka hartuar dosjen e tenderit duke përfunduar të njëjtit me konfirmim të draftit final të kontratës bashkë me Operatorin Ekonomik.

Operatori Ekonomik nuk ka marr pjesë në hartimin e dosjes tenderuese me numër të prokurimit KEK-21-5233-1-1-1, por që Autoriteti Kontraktues si rrjedhojë e shërbimit të ofruar nga Operatori Ekonomik brenda kornizave kontraktuale të tjera, po e penalizon Operatorin Ekonomik duke mos nënshkruar Kontratën për Furnizim me pjesë ndërrimi për vinç hidraulik teleskopik Liebherr, përkundër faktit që asnjë rrethanë ndaluese nuk është identifikuar dhe për më tepër janë përmbushur elementet që përcaktohet në nenin 26 të LPP.

II. BAZA LIGJORE

Në Njoftimin për Anulimin e Dhënies së Kontratës, Autoriteti Kontraktues ka dhënë arsyetim të përgjithshëm, duke u referuar në nenin 65, paragrafi 1 të LPP, i cili përcakton disa raste kur një Operator Ekonomik nuk është i pranueshëm për të marr pjesë në një tender publik. Rrjedhimisht Autoriteti Kontraktues ka dështuar që ta bëjë të qartë se cili nga rastet e përcaktuara në nenin 65 të LPP është konsideruar gjatë marrjes së Vendimit, përkundër faktit që një gjë e tillë është obligative sipas nenit 48 të Ligjit për Procedurën e Përgjithshme Administrative, i cili përcakton si në vijim:

1. Arsyetimi i siguron palës mundësinë që ta kuptojë aktin administrativ. Arsyetimi përmban:

1.1. paraqitje të shkurtër të kërkesës së palës;

1.2. shpjegimin e situatës faktike mbi të cilën është marrë vendimi;

1.3. shkaqet të cilat kanë qenë vendimtare gjatë vlerësimit të provave;

1.4. bazën ligjore të vendimit dhe arsyen pse është e zbatueshme në rastin konkret;

1.5. shkaqet për të cilat nuk është pranuar ndonjëri nga pretendimet e palëve;

1.6. në rastin e ushtrimit të diskrecionit, shpjegimin pse është ushtruar ai në mënyrën e dhënë në vendim.

2. Një arsyetim që është dukshëm i pamjaftueshëm, i paqartë, kundërthënës apo i pakuptueshëm, është i barabartë me mungesën e tij.

Rrjedhimisht, Autoriteti Kontraktues nuk ka bërë të qartë dhe nuk ka arsyetuar Vendimin për Anulim, duke ja vështirësuar mbrojtën Operatorit Ekonomik dhe procesin ankimor. Tutje, referimi në nenin 65, par.1, të LPP në Njoftimin për Anulim, është bërë përkundër faktit që Operatori Ekonomik ka kaluar në të gjitha fazat procedurale të tenderit publik, do të thotë ka shtjerr fazat të cilat Autoriteti Kontraktues i ekzekuton në mënyrë që të konfirmoj se nuk ekziston asnjë rrethanë e përcaktuar në nenin 65 të LPP, rrjedhimisht bazuar në faktin që Autoriteti Kontraktues ka shpallur fitues të tenderit Operatorin Ekonomik dhe të dyja palët kanë konfirmuar draftin final të kontratës, Njoftimi për Anulim dhe arsyetimi është kundërthënës me procesin e ekzekutuar nga vet Autoriteti Kontraktues dhe i paarsyeshëm.

Tutje, Autoriteti Kontraktues nuk ka pasur asnjë ndalesë për nënshkrimin e kontratës, rrjedhimisht të gjitha kushtet ligjore të përshkruara në nenin 26, paragrafi 4 i LPP's janë përmbushur, përkatësisht citojmë si në vijim:

4.1. së paku dhjetë (10) ditë kanë kaluar nga data e publikimit të njoftimit për dhënien e kontratës; me kusht që, ky kusht të mos aplikohet për prokurimet urgjente që sipas nenit 35.2.1 (iii). apo për një aktivitet të prokurimit të bazuar në nenin 36. apo për kontrata me vlerë minimale;

4.2. personat kanë konfirmuar edhe një herë se informatat që gjinden në "Deklaratën e Nevojave dhe Vendosmërisë për Disponueshmërinë e Fondeve" janë ende të sakta;

4.3. personat nuk kanë pranuar asnjë komunikatë nga OSHP ose gjykata në të cilën thuhet se kontrata nuk duhet nënshkruar.

Për më tepër, siç jeni në dijeni drafti final i kontratës është konfirmuar nga të dyja palët si dhe Operatorit Ekonomik i është dorëzuar Pjesa- II- Përshkrimi i Çmimeve, kërkesa për ekzekutimin e Garancionit, si dhe informatat në lidhje me kohen e liferimit. Prandaj, bazuar në nenin Neni 15 të Ligjit për Marrëdhënien e Detyrimeve, Kontrata është e lidhur kur palët kontraktuese janë marrë vesh për elementet thelbësore të kontratës. Andaj, Autoriteti Kontraktues rezervon të drejtën e shkëputjes së kontratës vetëm në rrethanat e përcaktuara

në nenin 28 të Kontratës me Numër : KEK-21-5233-1-1-1/C1439, e fituar me tender publik nga Operatori Ekonomik.

III.KONKLUDIMI DHE KËRKESA

Operatori Ekonomik, kishte plotësuar të gjitha kriteret e kërkuara në dosjen e tenderit kështu duke u shpallur fitues. Në mënyrë që të përmbush detyrimet kontraktuale, Operatori Ekonomik pas konfirmimit të kohës së liferimit prej 120 ditësh, ka ndërmarr veprime të menjëhershme duke bërë porosinë me furnizim në bazë të dokumentit Pjesa- II- Përshkrimi i Çmimeve e cila ishte pjesë përbërëse e Kontratës kryesore. Operatori Ekonomik ka hyrë në obligime financiare kundrejt Furnitorit për pjesën e parë të porosisë në vlerën totale prej 149,533.70 euro (njëqind e dyzet e nëntë mijë e pesëqind e tridhjetë e tre euro e shtatëdhjetë cent).

Provë: Profatura dhe Garancioni Bankar

Autoriteti Kontraktues, përkundër faktit që ka ndërmarr të gjitha veprimet dhe ka kaluar në të gjitha fazat e kërkuara gjatë një procesi të tenderimit publik, kështu duke konfirmuar draftin final të kontratës, konfirmimit të kohës së liferimit si dhe kërkesave për konfirmim të validitetit të ofertës, veprime këto të cilat konsistojnë një marrëdhënie kontraktuale, përfundimisht në mënyrë jo të drejtë dhe ligjore ka marr vendim për anulimin e dhënies së kontratës, duke i shkaktuar Operatorit Ekonomik dëm direkt financiar në vlerën prej 149,533.70 euro, vlerë kjo e cila ekzekutohet nga Furnitori për porosinë e bërë nga Operatori Ekonomik sipas kërkesës së Autoritetit Publik. Për më tepër, dëmi i Operatorit Ekonomik konsiston edhe në fitimin e humbur, përkatësisht në fitimin i cili pashmangshmërisht do të realizohej si pasojë e realizimit të Kontratës.

Konsiderojmë që njoftimi për anulimin e dhënies së kontratës nuk është i drejtë, marr për bazë faktin që të njëjtit i mungon arsyeshmëria si dhe faktin që tashmë në përputhje me dispozitat e Ligjit për Marrëdhënien e Detyrimeve, Kontrata konsiderohet e lidhur dhe njoftimi për anulim të dhënies së kontratës është i vonshëm dhe nuk mund të ketë pasoja juridike.

Prandaj, bazuar në gjithë sa u tha më sipër si dhe duke marrë parasysh dispozitat ligjore të cituara në këtë Kërkesë, kërkojmë nga Autoriteti Kontraktues, të merr këtë:

VENDIM

1. Të **ANULOJ**, VENDIMIN për Anulimin e Dhënies së Kontratës i datës 29.04.2022, me numër të prokurimit KEK-21-5233-1-1-1;
2. Të **OBLIGOJ**, Autoritetin Kontraktues që të ekzekutoj Kontratën me Numër : KEK-21-5233-1-1-1/C1439 duke pranuar furnizimin sipas objektit dhe qëllimit të kësaj Kontrate, nga Operatori Ekonomik.

Kërkojmë nga OSHP që në përputhje të plotë me nenin Neni 109, të ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, të shqyrtoj këtë ANKESË dhe të nxjerr Vendim për të njëjtën brenda afatit ligjor të përcaktuar.

Sinqerisht,

Kjo kërkesë është hartuar dhe e paraqitur nga.

Shoqëria e Avokatëve
"Sejdiu & Qerkini" sh.p.k.



Blinera Osmani

SEJDIU &
QERKINI
SHOQËRIA E AVOKATËVE
TC nr1

Prishtinë, 06 maj 2022